



17182

kat. foron

I

Mag. St. Dr.

P

Andreas

Adami Multiscius

Ulysses.

PANEG. et VITAE

Polon. 4^e

N^o 820^a

Biblioteka Jagiellońska



stdr0002910

P. 420

MVLTISCIVS
VLYSSES

M. ANDREAS SCHONEVS,
PHILOSOPHIÆ, THEOLOGIÆ,
ET I.V. DOCTOR;
Inter Academiæ Crac. Theologos
Doctores Publica Disputatione
cooptatus.



M. ADAMI OPATOVII M. C.

BIBLIOTH. UNIV.



JAGELLONICAE

CRACOVIAE In Offic. Iacobi Sibencycher, Anno 1602.

ILLVSTRISS. AC REVERENDISSIMO
DOMINO D. PETRO TILICKI
Episc. Varmienſi, Regni Polonię Procancellario, &c.
Dño & patrono, ſe ſuaq; ſtudia commendat.

Regis delictum, Senati amores,
Æqui certa boniq; Invis ara.
Phæbi gemma, ſalesq; gratiarum,
Florens TILICIÆ Corona gentis:
Quantum hoc cunq; rude, & ſit impolitum,
Lechicum equiparans Pelasgo Vlyſſi,
Vt vis ingenij extero penate,
Pulchrè creuit vtriſq; commoratis,
Inſcriptum titulis tuis dicamus:
Illustrarier has tuo tenebras
Claro lumine nominis præcantes,
Iam toto orbe micantis, omni & æuo:
Namq; hoc templi colens pius ſacerdos
Extollet, memorans duces ſacrorum;
Hoc dum Iura gemens reus reuoluet
Laudabit, cupiens tuum tribunal;
Et dum Sarmaticæ vigent Camenæ
Hoc nec voce, nec in libris ſilebunt,
Nullis nam rapiet malis ruinis
Chartas nominibus tuis notatas
Conſident, tibi quod pio benigni
Concedent ſuperi, bonorum amantes.
Quare ſi ò Decus hoc quod eſt Vlyſſis
Fausti nominibus tuis ſacratum
Pulchrâ luce frui ſinis iubeſq;
Iam noſtris Agamemnon es Camenîs,
Atq; omni memorante eris ſub æuo.

M. Adamus Opatovius.



17182 I

Multiscius Vlyſſes.



Vſa propago Iouis, diuini numinis auras
Mortali ſpirans in terris corde perennes,
Dignum laude virum quæ cœli ſede reponis,
Nominis & radios terras iacularis in omnes :
Perge tuis memorare modis, pellacis Vlyſſis
Vt vis conſilij, & rerum prudentia creuit,
Dum variæ gentis mores inſpexit, & vrbes.
Nec minus hunc qui verâ expreſſit imagine Vlyſſem
Errans Auſoniâ terrâ vt multſcius eſſet
Inſere Diua Polo, ſuper atq; impone Trionas.

Vt belli ſignum ſonuerunt cornua cantu,
Ductores Danaum, ferro populumq; frementem,
Troiuſenâ cum gente vocans ad prælia ſæua.
Extemplo gemini Atridæ conformibus armis
Fulſerunt, ducentes agmina læta virorum.
Nec mora Mirmidonum robur ducebat Achylles:
Et Salamine acies duxit Telamonius Ajax :
Atq; Thoas, Neſtorq; ſenex, fortisq; Podarces,
Tlepolemus, Mneſteus, Diomedes, Merionesq;,
Illuſtres animæ ſceptro belloq; potentes,
Agmina denſabant circum ſe armata virorum.
Ordine in hoc Procerum notus prudentiâ Vlyſſes
Non erat, & ſi fata darent optaret abeſſe,

Sed nec fata Deum, nec doctæ iussa Mineræ,
Non Agamemnoniæ leges patiuntur acerbæ.
Quare Penolopen verbis solatus amicis,
Multa super puero mandans, qui paruus arena
Reptabat, cuperet quem Ithacæ iam tum dare Regē,
Induitur conferta hamis auroq; trilici
Loricâ, & toruâ galeâ cristisq; comante,
Inferit & leuæ clypeum tutamen in armis,
Fulmineum lateri posthac accommodat ensem,
Tandem progreditur septus legionibus amplis,
Quasq; Zacynthus ei, quas Neritus alta, Samosque,
Quasq; Ithaca & Regum sedes & gloria regni
Urbe suâ legit, sumptuq; armauit abundè,
Agmine quas Graio iunxit transisq; locauit,
Ipse ratem scandens fatis ignarus iniquis
Vela dabat, voluens in pectore funera Troiæ.

Sic primi Danaum, & solers tendebat Vlysses,
Troianas vt opes, & gentem euertere possent.

Quid gens chara Ioui, Musis & amica benignis,
Quam curat Charitumq; lepos, studiumq; Mineræ,
Et secreta adflant sapientum oracula vatum?
Hic vbi sæuit hyems gelido generata Trione;
Atq; videntur vbi tristes procedere soles,
Hic vbi durus arat spaciosis Lechita campis
Et belli, & pacis studijs acerrimus æquè:
An resides animos, & sæuo Aquilone gelatos

Corde

Corde gerit, terras alio nec sole calentes
Querere laudis habet, patriæ dulcedine capta?
Sed non is stupor est animi, aut amentia gentis.
Vt primum alma Fides, septeno vertice surgens
Lechiadum terris Christum pleno ore tonare
Augurio fausto & diuino munere capit.
Continuo cunctis exarsit pectus amore,
Spectandi Italiam coram, terrasq; repostas,
Atq; gemelliparæ vastatas cernere turres.
Præcipuè quos Pallas rerum & copia amauit
Accelerare parant vt amato limine sistant,
Magnanimi Heroes fortissima pectora bello:
Vt Regum sanguis Wladislaus ille Locetus,
Qui quàm Sceptra tulit, fulgens diademate regni,
Hesperias vrbes, morumq; exempla decora
Inspexit, tenuitq; suis dans iura benignus.
Quid summus Craci Lampertus Præful in arce?
Quid queis diuino lætatur honore litari
Relligione Hiacyntus, amore Stanislaus ardens,
Quas non lustrarunt terras, tractusq; Latinos?
Ecquid Tencinia natus de stirpe Ioannes,
Valcerusq; miser rebus quod fudit amatis?
Æquales studiis, simul & iuuenilibus annis,
Nonne Padi ripas & flauo gurgite Tybrim?
Oceaniq; vias, discrimine vitæ adierunt?
Donec post multos radiantis syderis ortus,

Ecce Deum fatis, & doctis excita chartis,
Sarmatico gens lecta Helicone excurrit, adestque.
Quid plures memorem, pro cunctis sit fatis vnus,
Insignis pietate Ioannes Cantius, huius
(Quo non est aliud praestantius orbe Polono)
Gymnasii lumen, quem astris miracula loquuntur
Sede frui Diuum, ærumnasque iuuare suorum,
An non procubuit deuotas vrbis ad aras?
Quid cui nostra fides exponit Musa loquaces,
Verus doctrinâ, linguâ, prudentiâ Vlysses
Iliacam quanto studio properauit ad urbem?
Non quam, vel, versare dolis, aut milite clauso
Æquaret terræ spargens incendia tectis,
Sed si quos mentis tenui caligine septos
Sublimes rerum captus inscitia merisit,
Sermone illorum qui Phæbo digna loquuntur
Declarata forent, ad amussim & cuncta putata,
Aut mentem, si qua hærerent contagia culpæ,
Immunem vitiis, cumulatam opibusque beatis.
Cœlicolûm victor Capitolia ad alta referret.
Ista triumphales arcus, statuasque Quiritum,
Et vectas Troiâ prædas victoria vincit.
Cumque iter ornabat, non immemor ille gementis
Gymnasij, atque eius pendentis ab ore iuuentæ:
Omnes complectens fœlicia multa precatus
Discessit, cunctis lachrymarum flumina rumpens.

Sed

Sed Laërtiadæ celeberrima fata canamus,
Quæ passus pelago, post diruta mænia Troiæ.
Postquam res Asiæ pictis onerata carinis
Cærulea sulcabat, tendens in regna Pelasga.
Interea voluens irarum corde procellas
Armipotens Pallas, conquassans Gorgone sæua,
Virgineis culpis quod sint sua templa reperta.
Inmittensq; hyemem, tempestatesq; sonoras,
Demergit naues laxas compagibus imis,
Dat reliquas ventis iactandas æquore vasto:
Ipsius atq; ratem ad scopulos conquassat Vlysis,
Fluctibus exponens tumidis sociosq; ducemq; ,
Sed socios nantes rapidus vorat æquore vortex,
Dux seruatus ope, & diuinæ Palladis arte,
Repperit hospitium immortalis faxa Calypsus,
Populus hæc, Cyparissus olens, & Myrthea circum
Silua tegit, riuis resonantia prataq; cingunt:
Hunc Dea, quæ telas radio percurrit eburno,
Et suaues liquido depromit gutture cantus,
Ore eiectantem fluctus, & veste fluentem
Excipit & vultu, & dictis compellat amicis:
Exin vestitum signis auroq; rigentem
Donat habere viro, aurataq; in sede reponit:
Demum fert sacrata Deorum munera mensis
Ambrosiâq; cibos, & mistos nectare rores.
Hisq; virum donis Dea dum dignatur, & offert

Si se.

Si secum maneat stygias euadere noctes.
Sed cum fata viam monstrant, dat vela per vndas,
Ardentes Tyrio vestes cui dona Calypso
Imposuit, monumenta suum testantia amorem.

Talia num quisquam est in fata vocatus Vlysis
Quam noster, reliquis iam hoc vno verus Vlysses.
Quod doctas Asiae mentes, & Palladis vrbe
Excultas artes, & tempus in omne perennes,
Omni auro praestantes, gemmarumq; nitore
Lucidius splendentes, defert mente repostas,
Doctrinae Oceanum sulcans, rerumq; feracem.
Quod mare cum tumidis perflari cernat ab Euris
Si quando feruet sapientum lite Senatus,
Cum veras rerum causas ratione sagaci
Quaerit, seq; putat pro aris vrgeri focusq;
Praelium in aurata dignum titulisq; columna.
Qui tum qui fluctus volui? quae monstra natari?
In coelos quae vndae iactari more Gigantum
Cernuntur? donec Iouis hos manus obruat vndis?
Extra quos scopulos nauem mentemq; tenere
Hic noster praeter solitum consuevit Vlysses:
Et ne saepe Nothos, saeuasq; cauere procellas
Perpetuum sit opus, componit littore nauem,
Ipse salis spumas abstergens veste fluentes
Tendit iter, gradiens turritae ad mœnia Romae
Aurea tecta petens, queis magni nata parentis

Sub-

Submisso pandens animo myſteria cœli
In folio reſidet clariſ radiante Smaragdis.
Hunc Dea complexum, dignata penatibus ampliſ
Eſſe ſuis, ſecumq; dies nocteſq; trahentem
Diuinæ mandat meditari dogmata legiſ,
Huic aperit veterum, perplexa oracula Vatum,
Quiſue mare, & terras, & quod tegit omnia cœlum
Seminibus nulliſ quæſitiſ voce creauit?
Virgineo partu mortales edituſ auras
Ecquiſ erat? duræq; cruciſ qui paſſuſ acerba?
Quem iam ubi diſceſſum moliri præſcia ſenſit,
Immortale decuſ diuinoſ donat honoreſ,
Illuſtrem tituliſ, Pariôq; nitore tiaram,
Cœlo demonſtrans maiori laude coronam.

Sed qua mente Ithacuſ Cocythi pallida ſtagna
Fortiſ & impauiduſ, doctri-næ indagine flagranſ
Intrarit referam, vt ſacriſ vulgata ſub antriſ.
Quondam dum Circeſ lucuſ excederet erranſ,
Hæc Dea fatidico ſuperaddidit ore locuta:
Dux Laërtiade, regnum patrioſq; penateſ
Quæriſ, ſed non ante tuo te littore ponet
Læta trabes, quàm Ti-reſiæ mandata capeſſeſ.
Audiit hæc poſtquam Fatorum ſtamine volui,
Quæ non arbitrio potiſ eſt quiſ fingere certo.
Illicò Cimmeriaſ naui delatuſ ad oraſ,
Quaſ ſol, nec ſurgenſ, nec dum eſt abituruſ in vndaſ

B

Aspicit,

Aspicit, at somni locus est sub nocte silenti;
Umbrarum dominis cædit de more bidentes,
Effosumq; scrobem spumanti sanguine replet,
Inuitat demum manes, animasq; sub atro
Dite morantes ad libamina facta sepulchris:
Accurrunt illæ horribiles sine corpore vitæ;
Quas aditu prohibet ferrum minitantis Vlysis,
Donec Tiresiam conspexit adesse cruori:
Cui postquam libaminis & data copia fandi
Sic orsus. Ventis Ithacam velisq; requiris
Dux Laërtiade duris exercite rebus:
Difficiles reditus monstrant decreta Deorum,
Sed cum Trinacriæ portus intrabis amænos,
Læta bouum cernes armenta attondere campos,
Quæ pratis illis seruat diuinus Apollo,
Cædere quæ comites, & tu si caueris ipse,
Optatos portus Ithacamq; intrare licebit.

Talibus interpretis diuini dogmatis olim
Ex adyto dictis Schoneum comitata abeuntem:
Delicium Schonee, & nostri laus magna laboris,
Auratas cœli sedes, & gemmea tecta,
Plaudit vbi æternos sanctorum turba triumphos
Compromissa ratis Fatorum legibus ambis:
Isto mactæ animo, virtutum fomite pleno,
Sed non ante datur cœlorum sede potiri,
Quàm te exercendum iuris legumq; facultas

Accipi-

Accipiat, quæ Tartareas deducit ad umbras,
Atq; videre iubet gemitu resonantia saxa,
Quasq; ob adulterium penas, vetitosq; Hymenæos,
Contemptumq; Deum, prædas patiuntur iniquas,
Motus quiq; dabant furiatâ mente forenses.
Quare supremos legum iurisq; peritos,
Et qui Tiresiæ sensu meditata loquuntur,
Umbras nec rerum velut Orco plurima pandunt
Delige, conseruans dictorum pondera mente.
Excitus his verbis magnos ad legis amores
Carpit iter Pisas, quæis nusquam maxima iuris
Numina quæ pandant legum secreta feruntur.
Hic demum leges manibus complexus vtrisq;
Volebat, meditans Phæbi atq; ad lumina noctis
Præcipuè versans Gratiani iura vetusta,
Has toties voces reddi sibi mirabatur:
InclYTE cuius mentem exercuit arte sciendi
Multiplici Pallas, calis qui ad sidera ducit
Inuius & præceps, quem tu superare valebis
Debita si summo persolues iura parenti,
Qui quam sol radijs melioribus omnia lustrat,
Vindicat & si quid proprio de iure rogatum.

Post varios casus, post tanta exhausta pericla,
Inuehitur tandem patrias Ithacensis ad oras:
Sed quem non quisquâ norat, nec nomine Vlysses
Appellat, Regum proprio aut dignatur honore.

Vix hunc Telemachus verâ se voce fatentem
Agnoscitq; patrem, lachrymisq; salutatur obortis:
Penelopesq; diu vultum, vestigia morum
Osseruans, animo pendebat nescia rerum:
Cætera turba domus, famuli, sine fronte ministræ,
Sponsi Penelopes, mimi, molesq; cinædi,
Qui genio indulgent, & Bacchanalia viuunt,
Ignorant Ithacum reducem, nec nosse laborant.
Donec Penlope cladem miserata bonorum
Extulit ingentem telis neruoq; pharetram:
Et sic affata est epulis vinoq; repletos:
Magnanimi Proceres, queis sunt connubia nostra
Intantum cordi, non vltra vestra morabor
Coniugij tædis flagrantia corda, sed arcus
Quem robustus in hostem olim flectebat Vlysses
Eius me thalamo sociam, propriamq; dicabit,
Spicula qui per bisseos transegerit orbes,
Dixerat. accenditq; omnes dulcedine prædę.
Tum validis omnes inflectunt viribus arcum,
Agmine sed tanto quisquam nec proficit hilum.
Accipit hunc spretum pannis atritus Vlysses,
Et tantum flectit manibus, firmisq; lacertis
Vt per bisseos transacta volarit arundo:
Cunctis cumq; pauor tremefacta per ossa cucurrit,
Eripit ille ensẽ, medios & fertur in illos,
Exigit & pænas scelerum quas feda libido

Conari

Conari proprio persuasit limine cunctis.
Tandem Penelope veros se prodere vultus
Vt vidit, reducem complexa salutat Vlysem
Tradens imperij fasces, & honoris habendos.

Sic noster Latio rediens Aquilonis ad Arctos,
Phœbus vbi Lechis loquitur sapientia verba,
Multiplicesq; sonant vbi pulpita Palladis artes,
Thesauros doctrinarum, ingenijq; opulentos
Attulerat quamuis, tacitâ sed mente repositos:
Non tamen huic quisquam Doctoris nomina magna
Nec tribuit primas, primariûm in ordine sedes,
Solut amicorum cætus cognouerat ipse,
Quantis ditem opibus mentem titulisq; decoram
Insignis referat, summoq; hunc fecit honore.
Ingeniorum altrix Academia vidit vt ipsa,
Ipsa viri dotes animi, moresq; probauit,
Nomine sed notum optabat titulisq; videre.
Pars hominum quædam tabens liuore maligno
Ingeniis inimica lues, funestaq; clades,
Degeneri laudum præcidens dente nitores,
Expetit ignotum votis ardentibus esse.
Sed nil vota valent sceleratâ mente profectâ,
Numina nec flectunt virtuti sæpè benigna.
Ecce madens etiam lachrymis Academia venit,
Flumine quas largo fudit Muscenia membra
Extremum decus imponens tumulo Doctorum,

Fertq; pharetram, non arcu grauidamq; sagittis,
Condita sed quâ sunt sacri myſteria verbi,
Hanc ponit mœrens Doctorem morte relictam,
Pignora cara ſui, cupiens ſe tradere totam
Illi, qui faciat mente experimenta ſagaci.
Hanc tibi delatam Phæbi applaudente coronâ
Tendere ne renuas, aderit iam dexter Apollo,
Accipe tela manu, atque arcum deprome pharetrâ,
Et deſige polo dextramq; oculosq; micantes
Sidera celſa petens, queis metam numina ponunt;
Munere quo functus, neruo ſtridentia tela
Mitte premens fures, prædatorumq; maniplos,
Queis obſeſſa manet ſacrarum ſemita rerum.
Nec tu parce procis, qui inceſto ſacra profanant
Ore, nec intactis adolent altaria tædis.
Sed iam parce præcor, iam parce rogamus & omnes,
Iam ſatis eſt pugnæ, iam tempus abire palæſtrâ
Noſcimus experti, doctriņę pectore vires
Quàm fortes habeas, quàm mens dexterrima bellis,
Atq; adeò noſcunt hoſtilia terga cruenta,
Noſcit & ipſa probans Academia fronte nitenti,
Et ſtupet antiquam virtutem animosq; parentum,
Horum iamq; tibi induit ornamenta relictâ,
Auguſtaq; locat doctę virtutis in arce:
Quam tu quâ pietate ſoles, complectere amantem
Quoq; nites iam Mercurialium in orbe virorum

Multa.

Mul
Illiu
Om

8
Multarumq; terax splendet sapientia rerum,
Illius hoc nomen, tanto & magis vsq; feratur
Omnia quantum sunt doctis completa Camenis.





Om
Hic
M

